

10. oktober 2009

UKA2009/82

**Naalakkersuinikkut sulinermut aningaasatigut tapiissuteqartarnej pillugu
Inatsisartut inatsisaata allanngortinneqarnerannik Inatsisartut inatsisissaattut
siunnersuut**

pillugu

Inatsisit atortinneqarnerannut ataatsimiititaliaata

ISUMALIUTISSIISSUTAA

Inatsisissatut siunnersuutip aappassaaneernejarnissaanut tunniunneqartoq

Inatsisit atortinneqarnerannut ataatsimiititaliaq suliarinninnermini ukuningga
inuttaqarpoq:

Inatsisartunut ilaasortaq Harald Bianco, Inuit Ataqatigiit
Inatsisartunut ilaasortaq Isak Hammond, Inuit Ataqatigiit
Inatsisartunut ilaasortaq Aleqa Hammond, Siumut
Inatsisartunut ilaasortaq Justus Hansen, Demokraatit

Inatsisit atortinneqarnerannut ataatsimiititaliap, Inatsisartut UKA 2009-imi
siullermeerinnereermata inatsisissatut siunnersuut pineqartoq misissuataarsimavaa.

Inatsisissatut siunnersuut ilaatigut kattuffinnut naalakkersuinikkut suliaqartunut
pisortaniit tapiiffigineqartartut inatsisitigut toqqammavissalimmik
sinaakkusiisarnerup aalajangersimasumik toqqammavilimmik
pilersinneqaaqqinnissaa, ilaatigullu pisortanit tapiiffigineqartarnerup
ersarinnerulernissaanik, tapiissuteqartarnermut tamat oqartussaaqataanerinit
atatillugu eqqortuutinneqarnissaa aallaaviummat siunertarineqartoq
Ataatsimiititaliamit paasineqarpoq.

Inatsisissatut siunnersuutip *ersarilluinnartumik* naqissusiinera eqqarsaatigalugu, pisortatigoortumik tapiissutit suungaluartulluunniit partiit ingerlanneqarnerannut tunniunneqartartut – toqqaannartumik toqqaannanngikkaluamilluunniit – inatsisinik toqqammaveqarnissamik piumasaaqatitaqarnerat Ataatsimiititaliamit paasineqarpoq. Ukiuni kingullerni annertungaatsiartumik aningaasatigut toqqaannanngikkaluamik tapersiissutit Inatsisartuniit partiinut tunniunneqartartut, matuma kingorna unitsinneqartariaqassapput. Taamaattumik partiit ajornerusumik inissisimalernissaat pinngitsoortinniarlugu, toqqaannartumik partiinut tapiissutip (inatsisitigut toqqammavissallip) qaffanneqarneratigut tamanna taarteqartinneqassaaq. Taamatut qaaffaaneq taamalilluni ukiuni kingullerni toqqaannanngikkaluamik partiinut tapiissutigineqartarsimasut konto-ini pineqartuni appaanikkut nalimmassarneqassaaq. Taamaalilluni siunnersuut akuersissutigineqassappat 2010-imut aningaasanut inatsisissatut siunnersuummut allannguutissatut siunnersuummik saqqummiussisoqassaaq.

Taamaalilluni siunnersuut missingersuusionermut sunniuteqartussaangitsoq Ataatsimiititaliamit paasineqarpoq.

Inatsisissatut siunnersuut pineqartoq Suleriaaseq pillugu atatsimiititaliap isumaqatigiittup saqqummiutarigaa aammattaaq ataatsimiititaliap paasivaa.

Siunnersuummi saqqummiunneqartumi tunuliaqutaasut pingaarnerit aallaavigalugit Ataatsimiititaliap tamakkiisumik tapersiisinnaavoq.

Naatsorsuinermi toqqammavigisat kiisalu agguataarineq

Allannguinerup kingunerissavaa, 3.145.000 kr.-it konto pingaarnermiit 01.10.10-imit Inatsisartut, konto pingaarnermut 01.06.11-imut Naalakkersuinikkut sulinermit aningaasatigut tapiissuteqartarneq nuunneqassasut.

Aningaasat 2005-imiit 2008 [1]-imut toqqaannanngikkaluartumik partiinut tapiissutaasartut aningaasartuutit piviusut toqqammavigalugit naatsorsorneqarsimapput (taamaattorli 2009 [2]-imut aningaasanut inatsisissap isumaqatigiiniutigineqarnerani Inatsisartut peqquneranik kinguneqartumik sipaarutissat ilangaatsiarsuinik ilanngarneqartunik). Taamaalilluni allannguinermit ataatsimut isigalugu partiit iluanaaruteqarnissaat imaluunniit ajunaaruteqarnissaat qulakkeerneqassaaq.

Aningaasat partiit, katusseqatigiit kiisalu inatsisartunut ilaasortat inuttut ataasiakkaatut qinigaasimasut akornanni toqqammaviusutut tapiissutit kr. 350.000,- inik qaffanneqarnerasigut agguataarneqassappu, (maannakkuugallartoq katillugit 5 x 350.000 = 1.750.000 kr.) kiisalu ilaasortanut ataasiakkaanut tapiissutip kr. 45.000,- inik qaffanneqarneratigut (katillugit 31 x 45.000 = 1.395.000 kr).

Attaviitsunut partiiniit imaluunniit katusseqatigiinniit anisimasunut tapiissut 125.000-iniit 170.000 kr.-inut qaffanneqassaaq. (Attaviitsut partiiniit imaluunniit katusseqatigiinniit anisimasut toqqammaviusumik tapiissutinik suli

tunineqarsinnaangillat. Inatsisartut inatsisaata kingullermik allanngortinneqarneranut oqaaseqaatini ilaasortat imaluunniit naalakkersuinikkut suleqatigiikkuutaat attaviitsunngormikkut aningaasanik iluanaaruteqarnissamut ussersartorsiornissaat matumuuna pinngitsoortinniarlugu anguniagaavoq).

Ilaasortat amerlassusaat	Inatsisissatut siunnersuutip akuerineqarneratigut partiinut tapiissutit	
1	650000 + 170.000	= 820.000
2	650000 + 340.000	= 990.000
3	650000 + 510.000	= 1.160.000
4	650000 + 680.000	= 1.330.000
5	650000 + 850.000	= 1.500.000
6	650000 + 1.020.000	= 1.670.000
7	650000 + 1.190.000	= 1.840.000
8	650000 + 1.360.000	= 2.010.000
9	650000 + 1.530.000	= 2.180.000
10	650000 + 1.700.000	= 2.350.000
11	650000 + 1.870.000	= 2.520.000
12	650000 + 2.040.000	= 2.690.000
13	650000 + 2.210.000	= 2.860.000
14	650000 + 2.380.000	= 3.030.000
15	650000 + 2.550.000	= 3.200.000

Inatsisip allanngortinneqarnerata kingorna naalakkersuinikkut sulinermut tapiissutit katillugit ima amerlatigilerput **8.520.00 kr.** maannakkut Inatsisartuni katitigaaneq naapertorlugu: (5x 650.000) + (31x170.000).

Toqqammaviusumik tapiissutit kiisalu ilasortanut ataasiakkaanut tapiissutit Inatsisartuni sulinermut partiit aalajangersimasumik allanngorartumillu

aningsaatuutaasa nalilersorneqarneri toqqamavigalugit aningaasaliissutissat nunneqartut agguanneqarsimapput:

Akissajaatit ilarparujussui Inatsisartuni naalackersuinikkut sulinermit attuumassutillit partiinut mikinernut anginernullu assigiipput. Assersuutigalugu suliarinninnermut, nutserinnermut kiisalu oqaaseqartitat saqqummiussassaasa naqiterneqarnerannut akissajaatit atuupput.

Akissajaatit allat, soorlu assersuutigalugu suliarinninnermut, nutserinnermut ilaasortallu siunnersuutaasa naqiterneqarnerannut kiisalu § 36-i atorlugu apeqqutinut, partiit ilaasortaataat aallaavigalugit akissajaatit allanngorasinnaapput.

Inatsisit atortinneqarnerannut ataatsimiititaliap isumaqatigiittup, toqqammaviummik tapiissutit kiisalu ilaasortanut ataasiakkaanut tapiissutit akornanni aningaasaliissutinik agguataarinninneq siunnersuutigineqartoq akuersaarnartutut isigaat.

Paasisassarsiorluni angalanernut aqqissuussineq pillugu siullermeerinninnermi saqqummiunneqartumut kissaatigineqartutut ataatsimiititaliap soqutiginninnera naggataatigut Inatsisit atortinneqarnerannut ataatsimiititaliap maluginiarpa. Taamaattumik ataatsimiititaliap Suleriaaseq pillugu ataatsimiititaliaq kaammattussavaa ajornartorsiut taanna aningaasarsiaqartitsinnermut inatsisip allanngortinneqaratarsinnaanera siunertaralugu qaqissinnaanera eqqarsaatigeqqullugu.

Inassuteqaat

Ataatsimiititaliap isumaqatigiittup inassutigaa Inatsisissatut siunnersuut ilusimisut akuersissutigineqassasoq.

Taama oqaaseqaateqarluni Inatsisit atortinneqarnerannut ataatsimiititaliap siunnersuut aappasaaniigassanngortippaa.

Harald Bianco,
Siulittaasoq

Inuit Ataqtigiit

Isak Hammond

Inuit Ataqtigiit

Aleqa Hammond

Siumut

Justus Hansen

Demokraatit

[1] Piffissami pisimasumi aningaasartuutit amerleriarnerat eqqarsaatigalugu agguaqatigiissitsinermut qanillisaanikut naatsorsorneqarpoq.

[2] Nioqutissanut pisiniarnernut, sullissinernut, attartornermut akiliutinut, pisiortornermut, ingerlatsinermut, iluarsartuussinernut kiisalu aserfallattaalinernut aningaasartuutiniit 10 %-imik ilanngarneqarsimapput. Akerlianilli aningaasarsianut akissaajaatit ikililerneqanngillat.